

痘疹傳心錄



乙未春偶得朱濟川痘疹傳心錄觀其
條分縷晰解論洞達雖本之魏桂岩博
愛心鑑然寒涼溫補隨症施方未嘗偏
執寔集諸家所長故世之擅是科者每
寶此以為師弟相傳之秘本蓋取其意
精思切履坦道常易傳其心耳竊謂

博愛心鑑固痘疹要書然心鑑殆非傳
心則不暢傳心寔闡心鑑所未發書雖
以啞科名如能潛心研究寒熱虛寔表
裡輕重以至氣血盈虧形症疑似皆可類
推醫之一道了無餘義亦何難登東垣
仲景之堂局是一隅者則已非能讀是

書矣。今世之言醫者，每輕幼科，似不屑言。嗟！是何意歟？昔賢內外大小初無分別，千金則始婦人，次小兒，未嘗以小兒置不論也。且醫尚究先天一層，何況賦形以後，稟此氣血，白首不易，是知幼科者為大方脈之根本。痘症者，寔小兒科。




之要關則此書不僅業是者所應讀猶
當家藏一集對本知症庶不惑庸醫
之悞閱其原叙曾有刻本茲欲搆而不
可得抑世遠無傳或就鐫而中止耶故
予偕星言族辨較并正譌遂付剞劂以
公于世以廣其傳而以此隱秘深藏稱

為獨得者不將有悌其意乎瘦樵
程永培漫識



對水自對難

臨淵獨飲不辨亦辨其意



痘疹傳心錄序

余自壬辰歲乞歸仲兒持朱生傳心錄請
曰先生以啞科壽吾鄉邑壽吾里閭壽吾
宗之子若姪者已論千百諸壽者則安所
壽先生謂茲錄也可以傳不朽而爲先生
壽矣適先生視痘余孫輩按法在順逆險
夷之內而變幻神化則在順逆險夷之外

故他醫在開切間而先生獨以一掬神六合通萬靈余顧仲兒曰若亦知先生所傳之心乎今夫勾者萌者胎者卵者蛭蟻蟄伏者胥而亭之毒之煦焉育焉者何命之曰天地好生之心二曜列三光明四時序萬彙各正其性命者何命之曰天地有常之心風雲呼吸雷霆寒暑交錯晴陰靡定

它如盈虛消息之數一切不可思維議索
者何命之曰天地神妙莫測之心故人者
天地之心得天地之所爲心無乃先生傳
心之旨歟而與它泥法按古者殊科也余
觀先生之爲人古而質其爲術正而竒其
爲心活潑通變而莫之窮叩彼其於先天
後天之秘陰陽五行之理與夫吉凶悔吝

死生存亡之道且如蓂莢也亦何難窺腑
臟察形色哉余故謂垣外長桑之事非甚
誣妄蓋於朱先生證之矣廼先生自謂曰
實本諸啟雲虛明兩公所傳第能雅不負
爾噫先生之讓德也真淳于生哉固然惟
先生心天地之心傳天地之傳斯能壽天
地之所壽不然者有時而斃矣其何以壽

仲兒曰竟何以壽先生應之曰持吾說可
以爲先生壽矣是爲序

皆

萬歷甲午菊月旣望賜進士第資德大夫
正治上卿太子少保工部尙書前兩京兵
刑二部尙書奉勅總理河道提督軍務都
察院右副都御史侍經筵奉勅居守賜麒麟

麟服潘季馴撰

傳心錄序

吾家濟川有深心少學儒成舉業輒棄去
以爲老逢掖無補世用其不如他道也多
我其爲秦越人哉於是徧搜岐黃家書讀
之至啞科心動曰隸是科者其有深意乎
科以啞稱志無言也無言之疾不由已致
無言之醫不由形治疾不由已者小子所

不免治不以形者庸醫所不能心解者垣
外遇之矣然則吾所讀糟粕已夫於是廢
書兀坐覓心了不可得而會王先生從雲
間來言下似有醒悟曰心在矣由此試其
術譟然已解自予族黨達乎閩閩以及乎
鄉遂之子弟獲壽者良多以故濟川聲藉
甚吳中矣而問又取其所已試作爲目錄

凡如千篇諸縉紳好爲之序而付殺青以
廣之弁曰傳心蓋濟川得心於起雲氏起
雲云得心於虛明氏虛明吾不得而知吾
以題吾詞

賜進士第前江西道監察御史侍經筵奉
勅巡按蘇松等處族弟朱鳳翔頓首拜撰

題朱濟川痘疹傳心錄

夫人以其心竅天地之靈窮靈族之窅若
我筦玄軸逞其無涯以故人身榮衛稍有
闕逆於是乎有隔垣之洞有聞號之驚豈
其悉方瞳而綠晶行賣吳門者邪無非以
一掬心靈與世劑調也至嬰兒痘疹有關
休咎匪細彼不能以齒頰鼓其鬱積繇我